

Museum historiae naturalis Erfordienne

Museum historiae naturalis (Theodisce: *Naturkundemuseum Erfurt*) media in urbe Erfordia invenitur in aedificio anno 1527 constructo. Quae aedes olim ad isatidem tinctoriam deponendam serviebant. Annos 27 museum alibi fuit, antequam mense Martio 1995 sollemniter reinauguraretur. Annis a 1922 ad 1968 in Domo ad salpam fuerat, ubi nunc Museum municipale Erfordiae est. Annis 1970 intentio fuit musei collocandi in casa *Zum gekrönten Löwen und kleinen Wachsberg*, ubi sunt hodie scaenae satiricae *Das Lachgeschoß*.



Musei introitus

Index

Collectiones

Quercus et arca Noë

Munera publica

Nexus externi

Collectiones

Museo est collectio perpetua historiam naturalem arborum, camporum, urbis monstrans et explicans necnon collectio de geologica historia Thuringiae omnis. Pater musei consideretur Otho Rapp (1878-1953). Praeterea sunt exhibitiones speciales, ad quas res e propriis depositoriis cerptae plerumque sufficiuntur. Museo sunt adhuc collectiones in rebus botanicis, zoologicis, palaeontologicis, mineralogicis - quarum valde multa a Godehardo Schwethelm (1899-1992) conflata erant. Hugonis Jung Arnstadiensis collectiones quoque magni momenti esse constat.


Quercus et arca Noë

In vestibulo quercus robur 350 annorum est, cuius radices iam in pedeplanis cernuntur et vertex modo in tabulato summo. Arbor metra 14 alta est et truncus diametrum unius metri habet. Anno 1991 arbor in silva Steigerwald Erfordienſi caesa est. Captantissima autem est sic dicta Arca Noë in cella, ubi in navigio vacillanti bestiae variae stant. Hoc etiam biodiversitas mundana monstretur.


Munera publica

Scopi curatorum musealium ecce: exploratio scientifica, educatio, collectionum cura, dispositio conventuum doctorum. Bibliotheca specialis voluminum plus quam 15 milia habet et periodicorum plus quam mille. Commentariorum multi acquisti sunt mutatione priorum commentariorum facta.

Nexus externi

 **Vicimedia Communia** plura habent quae ad **Museum historiae naturalis Erfordienne** spectant.

- Musei situs proprius (<http://www.naturkundemuseum-erfurt.de/>)

 Lege Μουσείο φυσικής ιστορίας (Ερφούρτη) ("Museum historiae naturalis Erfordienne") apud Vicipaediam lingua Graeca antiqua scriptam

Receptum de "https://la.wikipedia.org/w/index.php?title=Museum_historiae_naturalis_Erfordienne&oldid=3340232"

Novissima mutatio die 9 Martii 2018 hora 17:42 facta.

Nonobstantibus ceteris condicionibus hunc textum tractare licet secundum "Creative Commons Attribution-ShareAlike License". Vide modos et condiciones.